

**22. april 2015**

**2015-mut aningaasanut inatsisissatut siunnersuut.**  
(Aningaasaqarnermut Aatsitassanullu Naalackersuisoq)

Aappassaaneerinnineq:

Anigaasanut inatsisip aappassaaneerineqarnerani Siumumiit Imatut oqaaseqassagut.

Isumaliutissiisummi ataatsimiititaliap isumaqatigiittup aappassaaneerinninermi saqqummiussaasa saniatigut, pingajussaaneerinninnissamut allaffissorinikkut sipaarniutaasut inatsisissap siullermeerneqarnerata kingornatigut naalackersuisut allaffissorinikkut 50-mio kr nik sipaarniuteqarnissamik saqqummiussaqaqput.

Naalackersuisut sipaarniutissanik saqqummiussaqaqarnerat appassaaneerinissamut nalilersugassanik arlaqartunik isumaliutigilluarlugillu suliasanik imaqaqput. Siumumi isumarput malillugu inatsisissap aappassaaneerineqarnissaani pingajussaaneerinissamut kinguartillugit nalilersortariaqartunik ilaqaqput, taamaattumillu ataatsimiititaliap isumaqatigiittup tamanna inassutigimmagu iluarisimaarparput

Sipaarniutissatut Naalackersuisut saqqummiussaasut, inunnut sullissinermi toqqaannartumik ilaatigut kalluaasussat inuiaqatigiinni tupinnangitsumillu oqaallisaapput, tamatumali aalajangiiffiginissaa Inatsisartuniippoq. Siumut isumaqarpoq Partiit akornanni isumaqatigiinniutigalugillu oqaluuserinissaat periarfissaqaqarluartoq.

Siumup pigaartilluinnarpaa nunatta aningaasaqarnikkut inissisimanerata patajaallisarneqarnissaa, soorlutaq Naalackersuisooqatigiit tamanna anguniagarigaat.

Taamaaliussagaanni sipaarniuteqarnissaq aningaasartuutinillu nalilersueqqinneq pinngitsoorneqarsinnaanngillat.

Peqqinnissaqaqfimmil suliasaqaqarfiit ilaat sipaarfiusinnaasut ilaatut Naalackersuisunit tikkuarneqarpoq.

Siumumi isumaqarpugut periarfissat allat suut tamaasa misissoqqissaarneqartariaqartut peqqinnissaqaqfiup sipaarfigineqarnissaa tikkineqartinnagu. Siumup sapinngisaq tamaat pingitsoortikkumavaa. Peqqinnissaqaqfiup sipaarfigineqarnissaa pinnagu, Siumut isumaqarpoq peqqinnissaqaqfik anigaasaliiffigineruseriaqartoq, taamatuttaarlu nunalerinerup ineriartortinneqarnissaanut aningaasaliisoqarnissaa kaammattuutigaarput.

Siumumiit Naalackersuisunut kaammattuutigissuarput allaffissornermi avataaniit atorfinitsitsisarnerit nalilersuiffigeqqullugit, ilinniarsimasut nunaqavissut aammalu Kalaallit nunani allani

Danmarkimilu ilinniakkaminnik naammassinnissimasut nunatsinni suliffeqalernissamut periarfissinneqaqqullugit.

Ilanngullugu siumumiit kaammattuutigissuarput ilinniartunut siunnersorteqarfiup Danmarkimi immikkoortortaqqarfeqalernissaa sulissutigineqassasoq, taamaaliornikkut Danmarkimi kalaallit ilinniartut maannamiit amerlanerusut nunatsinni atorfinnissamat siunnersorluartarnissaat pisariaqarmat.

Siumumiillu pingajussaanerisoqartinnagu nalilersuiffiussatut makku tikkuarumavavut:

1. akileraarut procentimik ataatsimik qaffaavigineqarsinnaavoq, aningaasat peqqinnissaqarfiup pitsanngorsaavigineqarnissaanut atugassanngorlugit, taamaaliornissaq inuiaqatigiit ingerlalluarnernissaanik siunertaqarmat neriutigaarput inimi maani isumaqatigiisutigin eqarsinnaasoq,
2. siunnersortitut taasanut avataaninngaaneersunut nunattinninngaaneersunullu anigaasarpassu-it ukiut tamaasa atortarpavut. Siunertamut tamatumunnga atorneqartartut ilanngaavigineqarsinnaasutut nalilerpavut, ilanngaatissallu annertussusissarpiaat soorunami isumaqatigiinniutigin eqarsinnaasutut ammaffigaarput,
3. Namminersorlutik Oqartussat ingerlatsiviisa ilaannut, soorlu Nukissiorfinnut, Landskarsip taarsigassarsitsisarnera isumarput malillugu aamma misissoqqissaartariaqarpoq, nunatta aningaasaqarniarneranut suliffeqarfiullu pineqartup aningaasaqarniarneranut qanoq iluaqutaatiginissaa nalilersorlugu. Isumaqarpugut assersuutigalugu Nukissiorfiit aningaasat nunatta karsianit attartortagai aningaasanik atorniartarfinit aningaasalersuinernullu ingerlatsisunit allanit atorniarneqarpata tamanna nunatsinnut suliffeqarfimmullu pineqartumut anigaasarpassuarnik sipaarfiusinnaasoq. Tassami landskarsip atukkiuttagai 6%-imik ukiut erniaqarpata atorniartarfiillu taassuminga mikinerusumik mikineralaarsuarmilluuniit erniaqartitsisinnaappata, taava tamanna aqutissatsialaassasoq Siumumi isumaqarpugut, nunatta karsiata miliuuninik untritilinnik arlalinnik sipaarutigisinnaasaa, suliffeqarfiullu pineqartup miliuunerpaalussuarnik sipaarutigisinnaasaa.
4. qalerallit suliarineqartik annissorneqartut akitsuuserneqarnerat aqutissat ilangat,
5. avaleraasartuut 15.000 tons akitsuuserneqarnerat periarfissanut ilaavoq.

Iliusissatut taakkartukkavut taakku nunatta karsianut isertitaqarnerulerneranik aningaasartuutikinerulerneranillu ukiumut 200-300 miliuunit missaanni pitsaasup tungaanut sunniuteqassapput,

**Illuatugaatigut makku anguneqassapput:**

1. Peqqinnissaqarfik sipaarniarfigineqarani pitsanngorsaavigineqarsinnaalissaaq,
2. Sipaarniutiginiarneqartut allat sullisinermut toqqaannartumik kalluaasussat pinngitsoortineqarsinnaalissaput.
3. Nunalerineq uummasuuteqarnerlu aningaasaliiffigineqassapput.

Tamakku pissutigalugit Siumumi neriutugalugu ilungersuutigerusupparput Inatsisartuni Partiit illuatungiliuttut piviusumik suleqatigiisinnaassallutigit, innuttaasunut pitsaanerpaamik kingunilimik iliuuseqarnissarput angusinnaajumallugu.

Siumumi taamatut aapassaaneerinninermi oqaaseqarluta pingajussaaneerinissamat sipaarniutaasut pillugit Partiit allat suleqatiginissaat qilanaaralugu saqqummiussaarpugut.

Jens Immanuelson  
Siumut